

# 59 kadeta u početnom činu „policajac“ položilo svečanu zakletvu

20.06.2019 14:00

Pedeset devet kadeta 36. generacije Policijske akademije FMUP-a položilo je danas (20.06.2019.godine) svečanu zakletvu pred ministrom i direktorom Uprave policije MUP TK-a, u prisustvu menadžmenta MUP-a TK-a, rodbine i prijatelja.

Na današnjoj svečanosti, koja je održana u prostorijama Policijske uprave Lukavac, kadeti su, nakon uspješno završenog školovanja na Policijskoj akademiji, potpisali Ugovore o radu, te će 01.07.2019.godine stupiti na dužnost u organizacione jedinice Uprave policije MUP-a TK-a, odnosno policijske uprave – stanice shodno ukazanim potrebama.



„Stavljanjem na raspolaganje novih policijskih službenika u organizacione jedinice Uprave policije MUP TK-a, znatno će se poboljšati efikasnost rada i obavljanja svakodnevnih policijskih poslova, prije svega u pogledu naše osnovne djelatnosti, a to je zaštita lične i imovinske sigurnosti svih građana“ – istakao je direktor Uprave policije TK-a Dževad Korman.

“Mi radimo na popunjavanju redovnog sastava policije, s ciljem stvaranja što povoljnijeg stanja sigurnosti na području Tuzlanskog kantona. Ovih novih 59 kadeta je svakako nova snaga, nova energija u sastavu Uprave policije Tuzlanskog kantona. Od njih očekujemo da svoj posao obavljaju savjesno, odgovorno i profesionalno, a sve u cilju što bolje zaštite građana kao i njihove imovine” - rekao je ministar unutrašnjih poslova TK-a Husein Topčagić.

“Imponuje mi što se nalazim u grupi od tri kadeta koji su imali najveći prosjek. U početku obuke je bilo naporno dok se nismo navikli na sve uslove. Za mene je ovo jedan odgovoran poziv i posao koji zahtijeva izuzetno veliku odgovornost. U svoje lično i u ime ostalih pedeset osam kadeta odgovorno tvrdim da ćemo biti na usluzi narodu Bosne i Hercegovine, prije svega Tuzlanskog kantona”, istakla je policajka Lejla Softić.

---

*Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>*